



Broj: 02-50-6-16-7/23

Sarajevo, 25. 7. 2023.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

ZAPISNIK

7. sjednice Doma naroda

**Parlamentarne skupštine Bosne i Hercegovine,
održane 25. 7. 2023.**

PRIMLJENO: 27. 08. 2023.			
Organizaciona jedinica	Klasifikaciona oznaka	Zvanični broj	Broj priloga

Sjednica je počela u 11 sati.

Sjednicom je predsjedavao Nikola Špirić, predsjedavajući Doma naroda Parlamentarne skupštine BiH.

Sjednici je prisustvovalo 15 delegata.

Osim delegata, sjednici Doma naroda prisustvovali su: članovi Vijeća ministara BiH te predstavnici Ureda za reviziju institucija BiH, Centralne izborne komisije BiH, Tužilaštva BiH i Upravnog odbora Radio-televizije Bosne i Hercegovine.

Predsjedavajući je konstatirao da su, u skladu s članom 156. stav (1) Poslovnika, najave za postavljanje delegatskih pitanja u usmenoj formi dostavili sljedeći delegati:

- Delegat Želimir Nešković - za ministra vanjske trgovine i ekonomskih odnosa BiH Stašu Košarca;
- Delegat Zlatko Miletić - za predsjedavajuću Vijeća ministara BiH Borjanu Krišto;
- Delegat Safet Softić - za predsjedavajuću Vijeća ministara BiH Borjanu Krišto;
- Delegat Džemal Smajić - za predsjedavajuću Vijeća ministara BiH Borjanu Krišto i ministra komunikacija i prometa BiH Edina Fortu;
- Delegat Šefik Džaferović - za predsjedavajuću Vijeća ministara BiH Borjanu Krišto;
- Delegatkinja Marina Pendeš - za ministra komunikacija i prometa BiH Edina Fortu.

Delegat Želimir Nešković - pitanje za ministra vanjske trgovine i ekonomskih odnosa BiH Stašu Košarca glasi:

„ Koje sve aktivnosti je preduzelo ili namjerava preduzeti Ministarstvo vanjske trgovine i ekonomskih odnosa BiH za saniranje posljedica širenja afričke svinjske kuge u Republici Srpskoj i Brčko Distriktu BiH osim što je uputilo prijedlog Vijeća ministara BiH da iz tekuće rezerve budžeta institucija BiH interventno izdvoji milion konvertibilnih maraka za navedene svrhe?

Delegat je dobio usmeni odgovor na sjednici od ministra vanjske trgovine i ekonomskih odnosa BiH Staše Košarca.

Delegat je istakao da je zadovoljan dobivenim odgovorom.

Delegat Zlatko Miletić - pitanje za predsjedavajuću Vijeća ministara BiH Borjanu Krišto glasi:

„Sagledavajući dnevni red 7. sjednice Doma naroda Parlamentarne skupštine BiH zakazane za 25. 7. 2023, te da on opet ne sadrži tačke dnevnog reda koje se odnose na donošenje zakona ili izmjene i dopune zakona iz seta zakona vezanih za implementaciju 14 prioriteta EU i uvođenje standarda u vezi implementacije kandidatskog statusa BiH, molim da mi predsjedateljica Vijeća ministara BiH odgovori precizno da li će nakon osam mjeseci od uspostave Vijeća ministara BiH, Vijeće ministara konačno dostaviti set zakona koji se odnose na implementaciju 14 prioriteta, da li za to postoji politička volja koalicije na državnom nivou, ako ne postoji, da nam se predoče razlozi takvog stanja, mogućnosti i način njegovog prevazilaženja. Razlog za takvo pitanje je nerad institucija Bosne i Hercegovine uključujući i Parlamentarnu skupštinu BiH u vezi s implementacijom prihvaćenih obveza iz kandidatskog statusa u EU uključujući našu dobrovoljnu intenciju da želimo da poštujemo i implementiramo pravnu stečevinu EU.“

Delegat je na sjednici dobio usmeni odgovor od predsjedavajuće Vijeća ministara BiH Borjane Krišto.

Delegat je prokomentirao dobiveni odgovor.

Delegat Safet Softić - pitanje za predsjedavajuću Vijeća ministara BiH Borjanu Krišto glasi:

„Imajući u vidu da je od posljednjeg popisa stanovništva u BiH proteklo 10 godina, a s obzirom na praksu evropskih zemalja da popis stanovništva provode svakih 10 godina, tražim da mi se odgovori – Da li Vijeće ministara BiH planira uskoro provesti popis stanovništva u BiH i koje je aktivnosti do sada preduzelo na realizaciji popisa stanovništva u BiH?

Delegat je na sjednici dobio usmeni odgovor od predsjedavajuće Vijeća ministara BiH Borjane Krišto i istakao da je zadovoljan dobivenim odgovorom.

Delegat Džemal Smajić – pitanje za predsjedavajuću Vijeća ministara BiH Borjanu Krišto i ministra komunikacija i prometa BiH Edina Fortu glasi:

Moje pitanje je – Koje je mjere i aktivnosti preduzeo ministar prometa i komunikacija BiH da bi spriječio povlačenje primarnog radara Sarajevo iz operativne upotrebe i omogućio funkcioniranje primarnog i sekundarnog radara lociranog na Međunarodnom aerodromu Sarajevo i time zaštitio suverenitet zračnog prostora Bosne i Hercegovine?

Postupajući po Zahtjevu Agencije za pružanje usluga u zračnom prometu BiH, koju zastupa direktor Davorin Primorac, generalni direktor Direkcije za civilno zrakoplovstvo BiH Čedomir Šušnjar donio je Rješenje o povlačenju primarnog radara lociranog na Međunarodnom aerodromu u Sarajevo iz operativne upotrebe. Uzimajući u obzir značaj primarnog radara u pružanju usluge kontrole zračnog prometa, povlačenje primarnog radara Sarajevo ima značajan uticaj na operacije na Međunarodnom aerodromu Sarajevo i Bosni i Hercegovini u smislu da avioni koji su bez transpondera nisu vidljivi, te u slučaju neuspostavljanja dvostruke radioveze predstavljaju problem i ugrožavaju ostali promet, te kontrolori zračnog prometa nemaju u okviru postojeće radarske slike podatke s primarnog radara Sarajevo. Nažalost, neadekvatnim održavanjem i sekundarnog radara lociranog na Međunarodnom aerodromu Sarajevo i sekundarnog radara na Jahorini od strane Agencije za pružanje usluga u zračnom prometu BiH kontrola letenja na Međunarodnom aerodromu u Sarajevu i u cijeloj BiH će isključivo zavisiti od radara Republike Hrvatske i radara Republike Srbije čime će u potpunosti biti ugrožen suverenitet države Bosne i Hercegovine u zračnom

prostoru. Stoga molim da mi se dostave ugovori Agencije za pružanje usluga u zračnom prometu BiH s vlasnikom sredstava koja se vode u knjigovodstvenim evidencijama kojima je preciziran način korištenja te imovine, molim da mi se dostave ugovori o održavanju primarnog i sekundarnog radara lociranih na Međunarodnom aerodromu u Sarajevu, uz napomenu da novčani iznosi vrijednosti ugovora nisu predmet mog interesovanja.

Delegat nije dobio odgovor na postavljeno pitanje na sjednici. Predsjedavajući je konstatirao da će biti zatraženo dostavljanje odgovora u pisanoj formi.

Delegat Šefik Džaferović - pitanje za predsjedavajuću Vijeća ministara BiH Borjanu Krišto glasi:

„Ako je Vijeće ministara BiH istinski opredijeljeno za evropski put Bosne i Hercegovine i realizaciju 14 ključnih prioriteta iz Mišljenja EU o Zahtjevu BiH za članstvo u Evropskoj uniji, zašto utvrđuje zakone ili prijedloge zakona koji nisu usklađeni s pravnom tečevinom Evropske unije, međunarodnim i evropskim standardima?

S obzirom na to da je BiH zemlja kandidatkinja za članstvo u Evropskoj uniji, obavezna je da slijedi međunarodne i evropske standarde posebno kada je u pitanju realizacija 14 ključnih prioriteta iz Mišljenja Evropske unije o Zahtjevu BiH za članstvo u EU. To znači da je, kada utvrđuje prijedloge zakona, Vijeće ministara BiH dužno da poštuje preporuke i smjernice Evropske komisije. Međutim, već u dva slučaja prilikom usvajanja Prijedloga zakona o izmjenama i dopunama Zakona o Visokom sudskom i tužilačkom vijeću BiH i Prijedloga zakona o slobodi pristupa informacijama na nivou BiH u Vijeću ministara BiH nisu uvažene primjedbe i preporuke Evropske komisije i ostalih relevantnih evropskih institucija. Oba prijedloga zakona dostavljena su u parlamentarnu proceduru u tekstu koji nije usklađen s pravnom tečevinom Evropske unije na što su poslanike i delegate pismom upozorili najviši predstavnici međunarodne zajednice u BiH.,,

Delegat je dobio usmeni odgovor na sjednici od predsjedavajuće Vijeća ministara BiH Borjane Krišto.

Delegat je istakao da nije zadovoljan dobivenim odgovorom.

Delegatkinja Marina Pendeš - pitanje za ministra komunikacija i prometa BiH Edina Fortu glasi:

„Dokle se stiglo s procesom digitalizacije u Bosni i Hercegovini (da li su izdvojena potrebna finansijska sredstva i nabavljena oprema)?

Delegatkinja nije dobila odgovor na postavljeno pitanje na sjednici. Predsjedavajući je konstatirao da će biti zatraženo dostavljanje odgovora u pisanoj formi.

Predsjedavajući je konstatirao da je delegatkinja Marina Pendeš dobila odgovor u pisanoj formi na pitanje postavljeno na 5. sjednici Doma naroda i delegat Zlatko Miletić odgovor u pisanoj formi na pitanje postavljeno na 6. sjednici Doma naroda.

Delegat Zlatko Miletić prokomentirao je odgovor i istakao da je djelimično zadovoljan dobivenim odgovorom.

Predsjedavajući je potom konstatirao da je za današnju sjednicu predložen sljedeći

DNEVNI RED

1. Usvajanje Zapisnika 6. sjednice Doma naroda Parlamentarne skupštine BiH;
2. Prijedlog zakona o slobodi pristupa informacijama na nivou institucija Bosne i Hercegovine, P.Z.E.I. (prvo čitanje), predlagač: Vijeće ministara BiH, broj: 01,02-02-1-1031/23 od 30. 5. 2023;
3. Izvještaj komisije Kolegija o nastojanju za postizanje saglasnosti o Godišnjem izvještaju Centralne banke BiH za 2022. godinu;
4. Izvještaj komisije Kolegija o nastojanju za postizanje saglasnosti o dopuni dnevnog reda sjednice tačkom koja glasi: *Dom naroda Parlamentarne skupštine BiH, na osnovu člana 14. Zakona o ministarstvima i drugim organima uprave BiH („Službeni glasnik BiH“, br. 5/03, 42/03, 42/04, 45/06, 88/07, 35/09, 59/09, 103/09, 87/12, 6/13, 19/16, 83/17), od Ministarstva sigurnosti BiH traži hitnu i cjelovitu informaciju o stanju sigurnosti za period od 1. 1. do 15. 6. 2023, s posebnim akcentom na sigurnost djece i maloljetnih lica, maloljetničku delikvenciju i posjedovanje, držanje i nošenje oružja, municije i minsko-eksplozivnih sredstava u BiH;*
5. Materijali Upravnog odbora BHRT-a , broj: 01,02-50-18-902/23 od 14. 04. 2023;

- a) Izvještaj o finansijskom poslovanju BHRT-a za 2022. godinu i finansijskom planu BHRT-a za 2022. godinu;
- b) Izvještaj o realizaciji programa BHRT-a za 2022. godinu i Programskim planovima BHRT-a za 2023. godinu;
6. Izvještaj o pregledanom stanju finansijskog poslovanja političkih stranaka u 2020. godini, podnosilac: Centralna izborna komisija BiH, broj: 01,02-16-1-737/23 od 28. 3. 2023;
7. Izvještaji o radu stalnih komisija Doma naroda Parlamentarne skupštine Bosne i Hercegovine za 2022. godinu:
 - a) Izvještaj o radu Ustavnopravne komisije broj: 02-50-8-734/23 od 27.3.2023.,
 - b) Izvještaj o radu Komisije za finansije i budžet, broj: 02-50-8-738/23 od 28. 3. 2023,
 - c) Izvještaj o radu Komisije za vanjsku i trgovinsku politiku, carine, saobraćaj i komunikacije, broj: 02-50-8-733/23 od 27. 3. 2023;
8. Izvještaji o radu zajedničkih komisija oba doma Parlamentarne skupštine BiH za 2022. godinu:
 - a) Izvještaj o radu Zajedničke komisije za odbranu i sigurnost BiH, broj: 03/1-50-14-892-2/23 od 13. 4. 2023,
 - b) Izvještaj o radu Zajedničke komisije za ekonomske reforme i razvoj, broj: 03/3-50-14-892-3/23 od 25. 4. 2023,
 - c) Izvještaj o radu Zajedničke komisije za administrativne poslove, broj: 03/5-50-14-892-4/23 od 16. 5. 2023,
 - d) Izvještaj o radu Zajedničke komisije za evropske integracije, broj: 03/4-50-14-892-5/23 od 31. 5. 2023,
 - e) Izvještaj o radu Zajedničke komisije za ljudska prava, broj: 03/6-50-14-892-6/23 od 12. 6. 2023;
9. Izvještaj o aktivnostima Ureda za reviziju institucija BiH za 2022. godinu, broj: 02,02/3-50-18-872//23 od 11. 4. 2023;
10. Izvještaj o izvršenoj reviziji učinka Praćenje realizacije preporuka revizije učinka „Planiranje budžetskih rashoda u institucijama BiH“, podnosilac: Ured za reviziju institucija BiH, broj: 02-16-10-1167/23 od 26. 5. 2023;
11. Izvještaj o pitanjima primjene Kodeksa ponašanja poslanika i delegata u Parlamentarnoj skupštini BiH za 2021. godinu, podnosilac: Zajednička komisija za ljudska prava Parlamentarne skupštine BiH, broj: 01,02-02-4-1278/23 od 8. 6. 2023;

12. Izvještaj o pitanjima primjene Kodeksa ponašanja poslanika i delegata u Parlamentarnoj skupštini BiH za 2022. godinu, podnosilac: Zajednička komisija za ljudska prava Parlamentarne skupštine BiH, broj: 01,02-02-4-1279/23 od 8. 6. 2023;
13. Informacija o radu Tužilaštva BiH za 2022. godinu, broj: 01,02-09-784/23 od 3. 4. 2023;
14. Informacija o raspodjeli i korištenju sredstava tekuće budžetske rezerve za 2022. godinu, podnosilac: Ministarstvo finansija i trezora BiH, broj: 01,02-16-1-1241/23 od 5. 6. 2023;
15. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta, predlađač: Zajednički kolegij oba doma Parlamentarne skupštine BiH, broj: 01,02-34-1-1246-1/23 od 8. 6. 2023;
16. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Azerbejdžan o saradnji u oblasti zaštite od prirodnih i drugih katastrofa, broj: 01,02-21-1-1308/23 od 12. 6. 2023.

Delegati Šefik Džaferović, Dženan Džonlagić i Snježana Novaković-Bursać učestvovali su u raspravi o dnevnom redu sjednice.

Ad.1. Usvajanje Zapisnika 6. sjednice Doma naroda Parlamentarne skupštine BiH

Predsjedavajući Doma naroda otvorio je raspravu o ovoj tački dnevnog reda.

Nije bilo delegata prijavljenih za raspravu.

Dom naroda je (prisutno 15 delegata), jednoglasno (iz Federacije BiH deset „za“, iz Republike Srpske pet „za“), usvojio Zapisnik 6. sjednice Doma naroda Parlamentarne skupštine BiH.

Ad.2. Prijedlog zakona o slobodi pristupa informacijama na nivou institucija Bosne i Hercegovine, P.Z.E.I. (prvo čitanje), predlaže: Vijeće ministara BiH, broj: 01,02-02-1-1031/23 od 30. 5. 2023.

Predsjedavajući Doma naroda otvorio je raspravu o ovoj tački dnevnog reda.

U raspravi su učestvovali: Šefik Džaferović, Dženan Džonlagić, Želimir Nešković, Marina Pendeš, Zlatko Miletić, Ilija Cvitanović i ministar pravde BiH Davor Bunoza.

Dom naroda je (prisutno 15 delegata), s 10 glasova „za“, 4 „protiv“ i jednim glasom „suzdržan“ (iz Federacije BiH 6 „za“ i 4 „protiv“, iz Republike Srpske 4 „za“ i jedan „suzdržan“), usvojio u prvom čitanju Prijedlog zakona o slobodi pristupa informacijama na nivou institucija Bosne i Hercegovine.

Ad.3. Izvještaj komisije Kolegija o nastojanju za postizanje saglasnosti o Godišnjem izvještaju Centralne banke BiH za 2022. godinu

Predsjedavajući Doma naroda otvorio je raspravu o ovoj tački dnevnog reda.

Nije bilo delegata prijavljenih za raspravu.

U drugom krugu glasanja o Godišnjem izvještaju Centralne banke BiH za 2022. godinu, od prisutnih 15 delegata, 10 glasova bilo je „za“ i 5 glasova „protiv“ (iz Federacije BiH 6 „za“ i 4 „protiv“, iz Republike Srpske 4 „za“ i jedan „protiv“).

Predsjedavajući je konstatirao da je Dom naroda usvojio Godišnji izvještaj Centralne banke BiH za 2022.

Ad.4. Izvještaj komisije Kolegija o nastojanju za postizanje saglasnosti o dopuni dnevnog reda sjednice tačkom koja glasi: *Dom naroda Parlamentarne skupštine BiH, na osnovu člana 14. Zakona o ministarstvima i drugim organima uprave BiH („Službeni glasnik BiH“, br. 5/03, 42/03, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17), od Ministarstva sigurnosti BiH traži hitnu i cjelovitu informaciju o stanju sigurnosti za period od 1. 1. do 15. 6. 2023, s posebnim naglaskom na sigurnost djece i maloljetnih lica,*

maloljetničku delinkvenciju i posjedovanje, držanje i nošenje oružja, municije i minsko-eksplozivnih sredstava u BiH

U drugom krugu glasanja o dopuni dnevnog reda sjednice navedenom tačkom, od prisutnih 15 delegata , 7 ih je bilo „za“ i 8 „protiv“ (iz Federacije BiH 6 „za“ i 4 „protiv“, iz Republike Srpske jedan „za“ i 4 „protiv“).

Predsjedavajući je konstatirao da Dom naroda nije usvojio prijedlog delegata Zlatka Miletića za dopunu dnevnog reda sjednice tačkom koja glasi: *Dom naroda Parlamentarne skupštine BiH, na osnovu člana 14. Zakona o ministarstvima i drugim organima uprave BiH („Službeni glasnik BiH“, br. 5/03, 42/03, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17), od Ministarstva sigurnosti BiH traži hitnu i cjelovitu informaciju o stanju sigurnosti za period od 1. 1. do 15. 6. 2023, s posebnim naglaskom na sigurnost djece i maloljetnih lica, maloljetničku delinkvenciju i posjedovanje, držanje i nošenje oružja, municije i minsko-eksplozivnih sredstava u BiH.*

Ad.5. Materijali Upravnog odbora BHRT-a, broj: 01,02-50-18-902/23 od 14. 04. 2023:

- a) Izvještaj o finansijskom poslovanju BHRT-a za 2022. godinu i finansijskom planu BHRT-a za 2022. godinu
- b) Izvještaj o realizaciji programa BHRT-a za 2022. godinu i Programskim planovima BHRT-a za 2023. godinu

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Od prisutnih 15 delegata, 6 glasova je bilo „za“ , 5 „protiv“ i 4 glasa „suzdržan“ (iz Federacije BiH 6 „za“ i 4 „suzdržan“, iz Republike Srpske 5 „protiv“). Predsjedavajući je konstatirao da ne postoji potrebna entitetska većina, te da je potrebno obaviti usaglašavanje u Kolegiju kao komisiji.

Nakon usaglašavanja Kolegija predsjedavajući je izvijestio da nije postignuta saglasnost o Izvještaju o finansijskom poslovanju BHRT-a za 2022. godinu i finansijskom planu BHRT-a za 2022. godinu.

Predsjedavajući je pozvao delegate da se izjasne u drugom krugu o Izvještaju o finansijskom poslovanju BHRT-a za 2022. godinu i finansijskom planu BHRT-a za 2022. godinu.

U drugom krugu glasanja o Izvještaju o finansijskom poslovanju BHRT-a za 2022. godinu i finansijskom planu BHRT-a za 2022. godinu, od prisutnih 15 delegata, 6 glasova bilo je „za“, 5 „protiv“ i 4 „suzdržan“ (iz Federacije BiH 6 „za“ i 4 „suzdržan“, iz Republike Srpske 5 „protiv“).

Predsjedavajući je konstatirao da Dom naroda nije usvojio Izvještaj o finansijskom poslovanju BHRT-a za 2022. godinu i finansijskom planu BHRT-a za 2022. godinu.

Prilikom glasanja o Izvještaju o realizaciji programa BHRT-a za 2022. godinu i Programskim planovima BHRT-a za 2023. godinu, od prisutnih 15 delegata, 6 glasova je bilo „za“, 4 glasa „protiv“ i 5 „suzdržan“ (iz Federacije BiH 6 „za“ i 4 „suzdržan“, iz Republike Srpske 4 „protiv“ i jedan „suzdržan“). Predsjedavajući je konstatirao da ne postoji potrebna entitetska većina, te da je potrebno obaviti usaglašavanje u Kolegiju kao komisiji.

Nakon usaglašavanja Kolegija predsjedavajući je izvijestio da nije postignuta saglasnost o Izvještaju o realizaciji programa BHRT-a za 2022. godinu i Programskim planovima BHRT-a za 2023. godinu.

Predsjedavajući je pozvao delegate da se izjasne u drugom krugu o Izvještaju o realizaciji programa BHRT-a za 2022. godinu i Programskim planovima BHRT-a za 2023. godinu.

U drugom krugu glasanja o Izvještaju o realizaciji programa BHRT-a za 2022. godinu i Programskim planovima BHRT-a za 2023. godinu, od prisutnih 15 delegata, 6 glasova je bilo „za“, 4 „protiv“ i 5 „suzdržan“ (iz Federacije BiH 6 „za“ i 4 „suzdržan“, iz Republike Srpske 4 „protiv“ i jedan „suzdržan“).

Predsjedavajući je konstatirao da Dom naroda nije primio k znanju Izvještaj o realizaciji programa BHRT-a za 2022. godinu i Programskim planovima BHRT-a za 2023. godinu.

Ad.6. Izvještaj o pregledanom stanju finansijskog poslovanja političkih stranaka u 2020. godini, podnosilac: Centralna izborna komisija BiH, broj: 01,02-16-1-737/23 od 28. 3. 2023.

Predsjedavajući Doma naroda otvorio je raspravu o ovoj tački dnevnog reda.

U raspravi su učestvovali: Snježana Novaković-Burać, Zlatko Miletić i Suad Arnautović.

Dom naroda (prisutno 14 delegata), s 5 glasova „za“, 8 „protiv“ i jednim glasom „suzdržan“ (iz Federacije BiH 5 „za“ i 4 „protiv“, iz Republike Srpske 4 „protiv“ i jedan „suzdržan“), nije usvojio Izvještaj o pregledanom stanju finansijskog poslovanja političkih stranaka u 2020. godini.

Ad.7. Izvještaji o radu stalnih komisija Doma naroda Parlamentarne skupštine BiH za 2022. godinu:

- a) Izvještaj o radu Ustavnopravne komisije, broj: 02-50-8-734/23 od 27. 3. 2023.
- b) Izvještaj o radu Komisije za finansije i budžet, broj: 02-50-8-738/23 od 28. 3. 2023.
- c) Izvještaj o radu Komisije za vanjsku i trgovinsku politiku, carine, saobraćaj i komunikacije, broj: 02-50-8-733/23 od 27. 3. 2023.

Predsjedavajući Doma naroda otvorio je raspravu o ovoj tački dnevnog reda.

Nije bilo delegata prijavljenih za raspravu.

Dom naroda (prisutno 14 delegata), s 13 glasova „za“ i jednim glasom „suzdržan“ (iz Federacije BiH 8 „za“ i jedan „suzdržan“, iz Republike Srpske 5 „za“), usvojio je Izvještaj o radu Ustavnopravne komisije Doma naroda Parlamentarne skupštine BiH za 2022. godinu.

Dom naroda (prisutno 14 delegata), s 13 glasova „za“ i jednim glasom „suzdržan“ (iz Federacije BiH 8 „za“ i jedan „suzdržan“, iz Republike Srpske 5 „za“), usvojio je Izvještaj o radu Komisije za finansije i budžet Doma naroda Parlamentarne skupštine BiH za 2022. godinu.

Dom naroda je (prisutno 14 delegata), jednoglasno“ (iz Federacije BiH devet „za“, iz Republike Srpske 5 „za“), usvojio Izvještaj o radu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH za 2022. godinu.

Ad.8.Izvještaji o radu zajedničkih komisija oba doma Parlamentarne skupštine BiH za 2022. godinu:

- a) Izvještaj o radu Zajedničke komisije za odbranu i sigurnost BiH, broj: 03/1-50-14-892- 2/23 od 13. 4. 2023,
- b) Izvještaj o radu Zajedničke komisije za ekonomske reforme i razvoj, broj: 03/3-50-14- 892-3/23 od 25. 4. 2023,
- c) Izvještaj o radu Zajedničke komisije za administrativne poslove, broj: 03/5-50-14-892- 4/23 od 16. 5. 2023,
- d) Izvještaj o radu Zajedničke komisije za evropske integracije, broj: 03/4-50-14-892-5/23 od 31. 5. 2023,
- e) Izvještaj o radu Zajedničke komisije za ljudska prava, broj: 03/6-50-14-892-6/23 od 12. 6. 2023.

Predsjedavajući je predložio objedinjavanje rasprave i izjašnjavanja o izvještajima o radu zajedničkih komisija oba doma Parlamentarne skupštine BiH za 2022. godinu.

Dom naroda je (prisutno 14 delegata), jednoglasno (iz Federacije BiH 9 „za“, iz Republike Srpske 5 „za“), prihvatio prijedlog za objedinjavanje rasprave i izjašnjavanja o izvještajima o radu zajedničkih komisija oba doma Parlamentarne skupštine BiH za 2022. godinu.

Predsjedavajući Doma naroda otvorio je raspravu o ovim tačkama dnevnog reda.
Nije bilo delegata prijavljenih za raspravu.

Dom naroda je (prisutno 14 delegata), s 13 glasova „za“ i jednim glasom „suzdržan“(iz Federacije BiH 8 „za“ i jedan „suzdržan“, iz Republike Srpske pet „za“), usvojio sljedeće izvještaje o radu zajedničkih komisija oba doma Parlamentarne skupštine BiH za 2022. godinu:

- a) Izvještaj o radu Zajedničke komisije za odbranu i sigurnost BiH,

- b) Izvještaj o radu Zajedničke komisije za ekonomske reforme i razvoj,
- c) Izvještaj o radu Zajedničke komisije za administrativne poslove,
- d) Izvještaj o radu Zajedničke komisije za evropske integracije,
- e) Izvještaj o radu Zajedničke komisije za ljudska prava.

Ad.9. Izvještaj o aktivnostima Ureda za reviziju institucija BiH za 2022. godinu, broj: 02,02/3-50-18-872/23 od 11. 4. 2023.

Predsjedavajući Doma naroda otvorio je raspravu o ovim tačkama dnevnog reda.
Nije bilo delegata prijavljenih za raspravu.

Dom naroda je (prisutno 14 delegata), jednoglasno“ (iz Federacije BiH 9 „za“, iz Republike Srpske 5 „za), usvojio Izvještaj o aktivnostima Ureda za reviziju institucija BiH za 2022. godinu.

Ad.10. Izvještaj o provedenoj reviziji učinka: Praćenje realizacije preporuka revizije učinka „Planiranje budžetskih rashoda u institucijama BiH“, podnosilac: Ured za reviziju institucija BiH, broj: 02-16-10-1167/23 od 26. 5. 2023.

Predsjedavajući Doma naroda otvorio je raspravu o ovim tačkama dnevnog reda.
Nije bilo delegata prijavljenih za raspravu.

Dom naroda je (prisutno 15 delegata), jednoglasno“(iz Federacije BiH 10 „za“, iz Republike Srpske 5 „za), usvojio Izvještaj o provedenoj reviziji učinka: Praćenje realizacije preporuka revizije učinka „Planiranje budžetskih rashoda u institucijama BiH“, podnosilac: Ured za reviziju institucija BiH.

11. Izvještaj o pitanjima primjene Kodeksa ponašanja poslanika i delegata u Parlamentarnoj skupštini BiH za 2021. godinu, podnosilac: Zajednička komisija za ljudska prava Parlamentarne skupštine BiH, broj: 01,02-02-4-1278/23 od 8. 6. 2023.

Predsjedavajući Doma naroda otvorio je raspravu o ovim tačkama dnevnog reda.

Nije bilo delegata prijavljenih za raspravu.

Dom naroda je (prisutno 15 delegata), s 12 glasova „za“ i 3 „suzdržan“ (iz Federacije BiH 7 „za“ i 3 „suzdržan“, iz Republike Srpske 5 „za“), usvojio Izvještaj o pitanjima primjene Kodeksa ponašanja poslanika i delegata u Parlamentarnoj skupštini BiH za 2021. godinu.

12. Izvještaj o pitanjima primjene Kodeksa ponašanja poslanika i delegata u Parlamentarnoj skupštini BiH za 2022. godinu, podnosilac: Zajednička komisija za ljudska prava Parlamentarne skupštine BiH, broj: 01,02-02-4-1279/23 od 8. 6. 2023.

Predsjedavajući Doma naroda otvorio je raspravu o ovim tačkama dnevnog reda.

Nije bilo delegata prijavljenih za raspravu.

Dom naroda je (prisutno 15 delegata), s 13 glasova „za“ i 2 „suzdržan“ (iz Federacije BiH 8 „za“ i 2 „suzdržan“, iz Republike Srpske 5 „za“), usvojio Izvještaj o pitanjima primjene Kodeksa ponašanja poslanika i delegata u Parlamentarnoj skupštini BiH za 2022. godinu.

13. Informacija o radu Tužilaštva BiH za 2022. godinu, broj: 01,02-09-784/23 od 3. 4. 2023.

Predsjedavajući Doma naroda otvorio je raspravu o ovim tačkama dnevnog reda.

U raspravi su učestvovali: Marina Pendeš, Želimir Nešković, Šefik Džaferović, Sredoje Nović, Ilija Cvitanović, Zlatko Miletić, Zdenko Čosić, Radovan Kovačević i Snježana-Novaković Bursać.

Predsjedavajući je konstatirao da je Dom naroda primio k znanju Informaciju o radu Tužilaštva BiH za 2022. godinu.

14. Informacija o raspodjeli i korištenju sredstava tekuće budžetske rezerve za 2022. godinu, podnosilac: Ministarstvo finansija i trezora BiH, broj: 01,02-16-1-1241/23 od 5. 6. 2023.

Predsjedavajući Doma naroda otvorio je raspravu o ovim tačkama dnevnog reda.

Diskutirao je Džemal Smajić.

Predsjedavajući je konstatirao da je Dom naroda primio k znanju Informaciju o raspodjeli i korištenju sredstava tekuće budžetske rezerve za 2022. godinu.

15. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure izbora četiri člana Upravnog odbora Agencije za razvoj visokog obrazovanja i osiguranje kvaliteta, predlagač: Zajednički kolegij oba doma Parlamentarne skupštine BiH, broj: 01,02-34-1-1246-1/23 od 8. 6. 2023.

Predsjedavajući Doma naroda otvorio je raspravu o ovim tačkama dnevnog reda.
Nije bilo delegata prijavljenih za raspravu.

Dom naroda je (prisutno 14 delegata), s 9 glasova „za“, 4 „protiv“ i jednim glasom „suzdržan“ (iz Federacije BiH 5 „za“ i 4 „protiv“, iz Republike Srpske 4 „za“ i jedan „suzdržan“), usvojio Zaključak o osnivanju Privremene zajedničke komisije oba doma Parlamentarne skupštine BiH za provođenje procedure izbora četiri člana Upravnog odbora Agencije za razvoj visokog obrazovanja i osiguranje kvaliteta, u koju su iz Doma naroda imenovani delegati: Snježana Novaković-Bursać, Kemal Ademović i Marina Pendeš.

16. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Azerbejdžan o saradnji u oblasti zaštite od prirodnih i drugih katastrofa, broj: 01,02-21-1-1308/23 od 12. 6. 2023.

Predsjedavajući Doma naroda otvorio je raspravu o ovim tačkama dnevnog reda.
Nije bilo delegata prijavljenih za raspravu.

Dom naroda je (prisutno 14 delegata), jednoglasno (iz Federacije BiH 9 „za“, iz Republike Srpske 5 „za“), dao saglasnost za ratificiranje Sporazuma između Vijeća ministara Bosne i Hercegovine i Vlade Republike Azerbejdžan o saradnji u oblasti zaštite od prirodnih i drugih katastrofa.

Sjednica je završena u 14.05 sati.

Sastavni dio Zapisnika je neautorizirani transkript 7. sjednice Doma naroda
Parlamentarne skupštine BiH.

SEKRETARKA
DOMA NARODA
Gordana Živković

PREDSJEDAVAJUĆI
DOMA NARODA
Dr. Nikola Špirić